

Solten alle Christen Menschen gegen den
Sechswöchnerin noch thun / vnnnd das
erfordert von vns die Christliche vnnnd
Brüderliche liebe / das / wo es vnserem
nechsten wol gehet / sol es vns eine herzli-
che freude seyn / sollen auch sein bescher-
tes glück helffen fordern vnd fortsetzen /
Gehet es jm aber vbel / sollen wir jm sol-
chen vnfall nicht gönnen / vnd wol seines
vnglücks / wie die Gottlosen offft thun /
freuwen / sondern in trösten / vñ ein herz-
liches mitleyden mit jm haben. Gefelle
es vns doch wol / weñ andere sich vnser
glücks vnd wolfahrt freuwen / vnd wis-
derumb sich auch von wegen vnser vn-
falls betrüben / darumb sollen wir gegen
vnserm Nechste dergleichen thun / Wer
aber mit seinem Nachbawrn / wenn
Gott ihm Leibes Erben bescheret / oder
sonsten jm was guts thut / nit frolocket /
sondern neidet ihn wol darumb (wie es
denn in der Welt pfleget zuzugehen / das
es dem andern im herzen wehe thut / weñ
es